

Soalan 1 – 5 berdasarkan bahan di bawah ini.

Baca bahan di bawah ini dengan telitinya dan jawab soalan-soalan yang berikutnya.

Roti

Dari cerobong dapur
asap bejelaga berkepul
terkecur liur
harum berbau juadah tersohor.

Perut yang lapar
selera *kian menggelepar*
menanti roti dibakar
rangup dan segar
terhidang seumpama permaidani terhampar.

Kala roti di depan mata
nafsu makan pun bergelora
berkeping-keping menggegar selera
perut pun kenyang terasa
tenang bersendawa.

Bagi pemilik iman di dada
sendawa itu tidak sempurna
masih ada beban di bahu mereka
warga miskin belum terbela
masih merintih lapar dahaga.

Bila begitu selamanya
kalimah syukur jelas tertera
di hati sanubari warga dunia
melangit damai dirasa
percikan iman segar berwarna.

AHMAD SYAHRUL WAHID

Dipetik daripada
antologi *Baik Budi, Indah Bahasa*, Tingkatan 2,
Kementerian Pendidikan Malaysia

- 1 Berdasarkan sajak, rangkai kata *kian menggelepar* bermaksud
- A agak besar. C makin bertambah.
B sungguh hebat. D banyak sekali.

Mentafir (Ara 8)

- 2
- Kala roti di depan mata
nafsu makan pun bergelora
berkeping-keping menggegar selera
perut pun kenyang terasa
tenang bersendawa.

Nyatakan kata-kata hikmat yang sesuai dengan pernyataan di atas.

- A Rezeki jangan ditolak
B Hidup ini suatu perlumbaan
C Bertangguh itu pencuri masa
D Biar lambat asalkan selamat

Mentafir (Ara 8)

- 3
- kalimah syukur jelas tertera
di hati sanubari warga dunia

Apakah pengajaran yang terdapat dalam baris sajak di atas?

- A Kita haruslah bersabar selalu.
B Kita haruslah bantu-membantu.
C Kita hendaklah ingat akan keadaan orang lain yang kurang bernasib baik.
D Kita hendaklah bersyukur atas nikmat kurniaan Tuhan.

Memahami, Menganalisis (Ara 5)

- 4 Mengapakah orang yang beriman berasa masih ada beban di bahu mereka setelah mereka kenyang?
- A Mereka kurang bersendawa.
B Tahap keimanan mereka masih rendah.
C Warga miskin belum terbela.
D Anak mereka masih merintih lapar dan dahaga.

Memahami, Menganalisis (Ara 5)

- 5 Yang berikut merupakan pernyataan yang benar berdasarkan sajak **kecuali**
- A roti yang dibuat di dapur berbau harum.
B roti yang dibakar rangup dan segar.
C protagonis makan roti itu sehingga kenyang.
D orang miskin memikirkan tugas untuk membela orang yang beriman.

Menganalisis, Menyusun (Ara 7)